

ACTA DA SESIÓN EXTRAORDINARIA CELEBRADA POLA COMISIÓN INFORMATIVA PERMANENTE DE SANIDADE, SERVIZOS SOCIAIS, FAMILIA, DEPENDENCIA, MAIORES, IGUALDADE E MOCIDADE, O DÍA 26 DE XANEIRO DE 2015 ÁS 13:30 HORAS.

Sendo as trece horas e trinta minutos (13:30), do día 26 de xaneiro de 2015, reúnese en sesión extraordinaria convocada ao efecto a Comisión Informativa Permanente de Sanidade, Servizos Sociais, Familia, Dependencia, Maiores, Igualdade e Mocidade, coa asistencia das/os concelleiras/os que de seguido se indican.

Concelleiras/os asistentes:

Vocais:

Grupo municipal popular	Grupo municipal socialista	Concelleiras/os non adscritas/os
Santiago V. Amor Barreiro	José Blas García Piñeiro	M ^a Pilar Candocia Pita
Alfredo Taboada Alvelo	Francisco Villaverde Marcos	Emilio Martínez Carballeira
		Manuel J. Ferreiro Santiago

Presidente: Santiago V. Amor Barreiro.

Secretaria: Rosa Ana Prada Queipo

ORDE DO DÍA:

Punto primeiro.- Aprobación inicial do Regulamento do cemiterio municipal de Ames.

Intervén o concelleiro **José Blas García Piñeiro**, para formular as seguintes preguntas que solicita que consten na acta : Estamos a favor do Regulamento con carácter xeral, pero temos algunhas dubidas. Por exemplo, no tema da concesión, por que a 75 anos e non mais? algúns regulamentos poñen 99 anos. A esta pregunta lle contesta a secretaria que o límite de 75 anos ven recollido na actual Lei de patrimonio das administracións públicas do ano 2003.

Continúa coas súas preguntas o concelleiro José Blas García Piñeiro dicindo: No artigo 4, se prohibe a entrada de motos e bicicletas, que me parece normal, se podería recoller algunha previsión de aparcamento para bicicletas, motos e cans no aparcadoiro?.

No artigo 16. d, se fala de 6 meses como prazo para avisar para retirar os restos, ben cando remate a concesión xeral ou ben cando remate a concesión temporal que se da para casos específicos. Sería posible que en vez de 6 meses fose un ano?. Estes tramites de retirar restos cadavéricos son complicados, se podería ampliar ese prazo ata un ano?. A secretaria lle contesta que no hai inconveniente.

Continúa o concelleiro dicindo: No mesmo artigo pon “traslado dos restos aos osarios ou columbarios especiais”, como hai un punto, entendo que son do propio cemiterio. Non sei se se pode engadir “a outros lugares aos que o titular os queira trasladar”. A secretaria contesta que se pode engadir a outros lugares que prevea a lexislación sectorial.

Continua o concelleiro: Para rematar, tal e como apuntaban os compañeiros de PxA, gustaríanos saber que é o que se vai a facer co cemiterio, parece ser que nunha reunión que houbo no seu momento se falou das forma de xestión; nós pedimos o outro día e gustaríanos saber se se vai a solicitar un novo proxecto para tanatorio-crematorio, que ademais parece ser que estaba contemplado no proxecto inicial. Consideramos importante que houbese un tanatorio-crematorio no propio cemiterio porque serviría ademais para dinamizar e para axudar a financiar o seu custo. A nós o que nos preocupa, e creo que todos coincidimos niso, é que se abra o antes posible para dar o servizo que se necesita.

Intervén o **alcalde** (cuxa intervención se recolle en acta a petición de Emilio) para dicir: Con respecto á forma de xestión se vai a convocar unha comisión específica, xa o temos falado coa secretaria, para tratar este asunto da forma de xestión, debido a que é unha materia de competencia plenaria e teñen que ser os membros do pleno os que se pronuncien. Vaise traer unha proposta obviamente para estudar. A proposta será a de xestión directa por parte do concello. A partir desa proposta serán os membros da comisión os que poidan viabilizar esa proposta ou outras e despois levar o asunto ao pleno. Vaise convocar en breve, creo que xa está a convocatoria preparada.

Tras un breve intercambio de impresións o asunto é ditaminado favorablemente por **maioría simple**, cos votos a favor dos dous representantes do grupo municipal popular e da concelleira María Pilar Candocia Pita e a abstención do resto de asistentes á comisión informativa.

E non habendo mais asuntos de que tratar o señor presidente da por rematada a sesión ás trece horas e cuarenta minutos do día de referencia de todo o que eu como secretaria certifico.

Vºe praxe

O presidente

Santiago V. Amor Barreiro

A secretaria

Rosa Ana Prada Queipo